

# M er c e d e s .

## Carreño Fernández •



TAREIXA NAVAZA GONZALEZ

**MERCEDES CARREÑO,**  
Mamen para os amigos,  
naceu en Ferrol e estudiou  
Psicoloxía en Santiago. Ten  
catro irmáns e leva tres  
anos divorciada. Despois de  
catro de convivencia a  
separación foi amistosa.  
Mamen creo que é unha das  
mulleres novas que coñezo  
con máis cargas ou  
responsabilidades as súas  
costas: Presidenta da  
Sociedade Galega de  
Sexoloxía, Directora de  
*Cadernos de Psicoloxía*,  
Secretaria do Colexio de  
Psicólogos de Galicia, leva a  
codirección dun novo  
programa de sexualidade na  
radio Onda Cero, todo isto  
compartido co seu traballo  
intenso e diario como  
psicóloga do Centro de  
Orientación Familiar de  
Compostela. Hai un tempo  
leu a súa tese sobre o amor:  
“Aspectos Psicosociais das  
relacións interpersoais”.



Por que elixes ese tema?

Porque non había nada feito e sorprendíame que un tema tan importante para todos nós, que rexea as nosas vidas, non estivera estudiado dentro da psicoloxía. O único material que había eran algunhas investigacións en USA por iso a miña tese foi a primeira en España e tamén en Europa. No meu traballo trato de definir que é o amor; se é igual para varóns ou mulleres, se se diferencia coa idade, explicar que variables inciden en que unha persoa se namore doutra...

Despois de eses dous inmensos tomos variou o teu concepto do amor?

Non, pero servíume de confirmación, é dicir: a min parecíame que arredor do tema do amor había moita manipulación e iso indignábamme, despois do meu estudio confirmei que o amor non é tanto amor como se di nin tanta idealización, nin tanto misterio senón que hai unhas variantes moi más reais que están a influir en que unha persoa se namore doutra, decida namorarse doutra.

E ainda que supono resulta difícil, ¿podes defini-lo amor?

Hai tres pasos ou estadíos diferentes que non diferenciamos cando falamos do amor popularmente. Hai a atracción, que é atracción física e esa é a primeira parte, distinta dunha segunda que é o enamoramento –absolutamente diferente do amor– e cando despois dun tempo decides desenvolver dous elementos, intimidade e compromiso, iso é amor. Cando algúen lle di a unha persoa que a ama, estalle a dicir cousas moi distintas si llo di cando a acaba de coñecer ou si llo di cando pasaron cinco anos. Ocorre que socialmente faíse unha implicación directa entre o que é ser atractivo e o amor ou enamoramento e son cousas distintas rexidas por variables diferentes e que moitas veces son inaceptables. É bastante difícil de aceptar que casamos ou establecemos unha relación continuada porque a outra persoa nos gusta fisicamente, iso é bastante inaceptable socialmente, pero en realidade é así: de quen te fixas e con quen decides establecer unha relación é con

# as persoas decidimos de quen e cando nos enamoramos

aquela persoa que che gusta fisicamente e a partir diso que se parece a ti, que sexa semellante a certos niveis moi primarios: económicos, educacionais... Tamén inflúe a admiración intelectual que poidas sentir pola outra persoa.

**¿O amor é cego? ¿pode aparecer sin que ti o busques?**

Unha persoa namorase cando decide namorarse. E dicir: hai unha especie de voluntariedade no acto de namorarse e iso negásenos cando se nos fala do amor. Non é certo que ti caes subitamente namorada e falas maiores tontederías. As persoas decidimos de quen nos namoramos e cando dis "coñecín a fulanito/a e estou namorado non o podo evitar", previo a iso e dun xeito bastante inconsciente, atuomaticamente dis: "esta persoa é fermosa, cóvenme economicamente, tamén fisicamente, admíroo por isto..." cando todos eses elementos conflúen dis "voume namorar" e enamoraste dessa persoa. Toda esa idea de que o amor é incontrolable é falsa, pero importante socialmente mantela porque en base ó amor se aturan cousas que non se resistirían doutro xeito se non se xustifican polo amor, sentimento que fai manter situacións insostenibles. No nome do amor padécense malos tratos, anúlanse moitas personalidades e vivense vidas absolutamente insatisfactorias.

**Varía o concepto do amor entre os homes e mailas mulleres?**

Os homes enamóranse moito máis rapidamente que as mulleres, é dicir, moito menos pragmaticamente; definen antes que están namorados porque o peso do atractivo físico é moito maior para eles, definen antes que están namorados pero se lles acaba tamén antes. As mulleres tardan máis en decidir que



*W*  
*t*oda esa idea de que o amor é incontrolable é falsa, pero importante socialmente mantela..."

están enamoradas pero manteñen o sentimento moito más tempo. Non creo que haxa unha diferenza

en "xenerosidade", pero si no xeito de definilo. Os homes son moito más dependentes cás mulleres nas relacións amorosas, da relación amorosa. A dependencia definise porque se considera a outra persoa insubstituíble para ser feliz. Nos homes iso ten moiísimo más peso que para as mulleres. As mulleres dependemos máis do concepto do amor -que para nosoutras é o centro das nosas vidas-, a vivencia dos homes é:



**a obxeción de conciencia non se da só para face-lo aborto senón que se da tamén para face-lo informe o que é xa o colmo da obxeción."**

patologizando o que non encaixa e alcumando os solteiros/as de homosexuais e lesbianas.

Despois do teu extenso estudio grenañas do amor?

En absoluto. O amor pareceme –como a canción– marabiloso pese o que dixen.

se me falta esta muller non son ninguén. Pola contra as mulleres necesitamos mais “estar enamoradas”.

#### ¿A convivencia mata o amor?

Mata o enamoramento. O amor necesita convivencia para desenvolverse tal e como o definimos antes. Despois dun certo tempo –que acostuman se-lo primeiros sete anos– se o superas rexorde de novo a paixón... de tódolos xeitos que a paixón rechaza depende dunha serie de variables, de “mante-la viva”.

#### ¿En que medida e perxudicial unha relación entre persoas desiguais?

Nunha medida moi alta porque a intimidade depende de moitas cousas distintas: entender e ser entendido pola outra persoa, apoiar e ser apoiado. E ter esa sensación se as dúas persoas son absolutamente distintas é moi difícil. Pódese manter por outras cousas...

#### ¿Hai amores enfermizos?


Mais ben amores de dependencia. A aprendizaxe da felicidade é tan asquerosa, tal e como está montada, que non aprendes a valórtate por ti mesma nin aprendes a valoralo teu traballo nin as cousas que fas. Valórtase na medida en que te valoran os demás e para iso sempre é necesario ter un home ó lado e se é marabiloso e intelixente moito mellor... daí esa sorna cando unha muller adulta está solteira, dise que ningún home a elixiu; pero se el é o solteiro é porque decidiu non escoller a ningunha. A valoración que se fai é diferente. De tódolos xeitos a sociedade é moi hábil e sempre ten formas para “explicar” o que non encaixa no seu esquema, entón o xeito de facelo é



O amor é moi positivo. O amor de parella, os pais, amigos, familia, os mariados... é moi bón por iso eu antes diferenciaba entre o enamoramento e o amor. O sentimento amoroso é un sentimento de proximidade, de vinculación. A amizade ten un tanto por cento elevadísimo dese sentimento de amor. A amizade é a gran prexudicada desta sociedade xa que tentando potenciala necesidade do amor non se potencian outro tipo de relacións afectivas que poderían chegar a satisfacernos tanto como a relación amorosa. Todos necesitamos a vinculación con alguém porque somos seres sociais. ¿Lembra-la canción de Silvio Rodríguez “unamos las banderas que no haya soledad”? a evitación da soledade consíguese có amor pero tamén con outras relacións afectivas. A amizade sería a solución para tanta parella en desamor. O importante é buscar relacións que che fagan crecer persoalmente, que produzcan satisfacción, que che fagan sentir útil e querida...

#### ¿O amor para toda a vida?

Difícilísimo de manter, depende das esixencias que se marquen na convivencia. Ocorre que na maior parte das parellas o vínculo mantense independentemente de que haxa ou non amor.



Galicia hai uns dez Centros de Orientación Familiar e ti Mamen traballas como zóloga no de Santiago. Supón que son éxitos os problemas que se vos presentan o tío, ¿cáles salientarias?

Demandas de aborto, de tratamientos-néctodos anticonceptivos irreversibles, nulleras con problemas de anorgasmias, desexo sexual inhibido ou dificultades de excitación e os homes por situacions de exaculación precoz e imotencias. No problema da impotencia maior parte son de orixe psíquica e respecto da exaculación precoz débese que os varóns se ven querendo mantener o poder das relacións. Non están relaxados. Queren executar ben o que les suponen que é unha boa actuación sexual e iso produce unha ansiedade que impide que a relación sexual sexa satisfactoria.

Non suficientes os Centros que hai en Galicia?

Os Centros son imprescindibles pero non chegan nin para comenzar. Debería haber case un por barrio. No de Compostela temos agora mesmo once mil historias que non teñen un final senón que unha muller cando chega a un centro de planificación vai seguir indo sempre. A espera prolóngase meses e

meses. Por exemplo, unha muller que vai facer unha demanda dun sistema anticonceptivo dáselle un ano despois (unha broma de mal gusto porque nesa espera poido ter un fillo, ter pasado a lactancia...)

Falabas hai un momento de que atendedes moitas demandas de aborto ¿cómo seguides vivindo ese tema?

Posta no lugar das mulleres creo que é peor facer un aborto recorriendo a unha demanda dentro da Seguridade Social que fóra. As mulleres seguen pagando aínda que agora xa non teñan que viaxar ó extranxeiro porque a maioría dos abortos fanse en Galicia ou en Madrid. Os abortos que se fan son todos legais. As clínicas acreditanlle esa legalidade pero a maioría non se fan dentro da Seguridade Social porque para iso fai falta facer todo un trámite moi complicado. A obxeción de conciencia non se da só para face-lo aborto senón que se da tamén para face-lo informe o que é xa o colmo da obxeción.

W

*Non sei porque ten que haber más nenos galegos e menos etíopes, por exemplo. Non o entendo."*

**O aborto realmente segue a ser un drama para moitas mulleres.**

Un drama cotián. Tremendo ver mulleres sen ningún tipo de recurso nin de información vivindo na anguria e na miseria. Iso é o cotián. E moito máis do que parece. Por estrano que pareza moitas mulleres do rural e mesmo de barrios das grandes cidades seguen empregando métodos anticonceptivos salvaxes: a agulla de calcetar, por exemplo.

**¿A cantes problemas pode levar unha mala sexualidade?**

Pois a estar insatisfeita toda a vida. Eu xa vin máis dun caso de intento de suicidio pola anguria que xeraba unha vida sexual totalmente insatisfactoria e a desvalorización que producía o verse funcionando sexualmente mal.

**¿Que aconsellaría ás mulleres que so viviron para os fillos, no momento que estes**

**¿Que opinas do descenso da natalidade?**

Creo que somos abondo. As causas non se poden valorar por separado. Tendo en conta a superpoboación mundial non vexo porque ten que ser dramático o descenso da natalidade en Galicia. En todo caso a decisión de ter más ou menos fillos e unha decisión persoal que non debe ter que ver coa política natalista. En xeral estou en contra das políticas. Non sei porque ten que haber máis nenos galegos e menos etíopes, por exemplo. Non o entendo.

Sei que hai dous temas que afectan as mulleres e que te preocupan e indignan dun xeito especial: as violacions e os maos tratos.

Paréceme as grandes salvaxadas deste século. As violacions non creo que sexan, como pensan moitos, un problema de liberdade sexual ou porque os homes necesitan desfogarse sexualmente; máis ben é unha situación na que se produce unha agresión pola necesidade de poder ou pola vivencia de querer ter poder sobre unha muller á que consideran inferior. Mientras non se cambien as condicóns sociais nas que se da iso, vaise seguir mantendo esta situación. Quero insistir que os violadores non son trastornados nin tolos que non saben o que fan. Creo tamén que hai violadores tolos como hai executivos tolos, por exemplo. O que quero dicir é que non é a loucura o que induce á violencia. En canto ós malos tratos diría que é a humillación diaria de tantas e tantas mulleres, a degradación... As mulleres maltratadas acostuman ser mulleres cunha autovaloración penosa. Os malos tratos psíquicos teñen peores repercusións que os físicos. Son situacions difíceis de analizar porque sempre xorde a pregunta ¿cómo se pode aturar tanto e ademais culpabilizándose? Hai moitas variables –non só as económicas– para que a muller ature unha situación de submisión cun home.

**¿Darias un consello?**

A calquera muller que viva esa situación de malos tratos que se marche canto antes. Non hai máis saídas nin máis arranxos que cortar. E a única solución.

**Por último Mamen, ¿o feminismo segue a ser necesario?**

Segue a ser igual de necesario que hai 20 ou 30 anos. Coido que non se ten conseguido a igualdade das mulleres e nese sentido é necesario seguir loitando para conseguilo. ▶



se van de casa, ou xa non as necesitan tanto, etapa que case sempre ven coincidir coa menopausia?

**Nai moitas variables –non só as económicas– para que a muller ature unha situación de submisión cun home."**


As mulleres "tradicionais" a chegada da menopausia vivena mal. Nos Centros de Orientación Familiar é unha das causas que máis temos que tratar. E non é de estranhar que se sintan así. E como se o obxecto da súa vida desaparecerá e non son ningúen. Eu diríalles que nunca é tarde para reencontrarse, para buscar as súas propias afecções, os seus propios deseños e comezar a facer a súa vida. E difícil pero non tarde. Mellor sería ter empezado antes. Unha muller é algo máis que ser nai, deberían cultivarse desde sempre non só cómo nais senón como persoas.

# Rigoberta Menchú: o Nobel para unha perdedora

▼ TAREIXA NAVAZA

Souben dela hai uns quince anos e afondei máis na súa personalidade no ano 83 cando a etnóloga Elisabeth Burgos publica, en París, o libro Chámome *Rigoberta Menchú e así me naceu a conciencia*. Tiven a sorte de coñecela e escoitala, en Oleiros, un pouco antes de que lle concederan o Premio Novel da Paz. Naceu nunha comunidade indíxena, unha das vintetres etnias que posúe Guatemala e que segue a conservala a súa identidade cultural desde a conquista española e que se ven mantendo entre a marxinalidade e maila pobreza. Rigoberta condeada ó traballo desde os cinco anos –como tódolos campesiños pobres– comezou traballar cos seus pais nas colleitas de algodón e café nas grandes fincas da costa sur. Máis tarde vai cara a capital para completa-lo ciclo das campesiñas: traballar no servizio doméstico. Cando nena foi testemuña do asasinato dun irmán de 16 anos –víctima dos terratenentes que querían quitarlle-las terras ós indíxenas–, despois o seu pai Vicente Menchú,

campesiño, cunha innata conciencia social, morre queimado na Embaixada de España en Guatemala pola policía e o exército. Unhas semanas despois as forzas de seguridade, se cuestran a súa nai que é torturada, lentamente mutilada, violada e abandonada na agonía nun bosque cercano ó poboado. Rigoberta escolle a rebeldía fronte a submisión. Marcha ó exilio no ano 81 para levar adiante o seu compromiso cos dereitos indíxenas e cos dereitos humanos en Guatemala. Pouco despois participa nos inicios do “Grupo de Traballo sobre Poboacións Indíxenas” nas Nacións Unidas. En Guatemala o 80% da poboación é analfabeto e o 70% indíxena. Ela aprende español ós vinte anos –no seu país hai vintetres linguas pero só o español é oficial–,



estudia o idioma que outros tempos lles imponián, á forza, para utilizalo contra o opresor, para convertelo nun instrumento de loita. Denuncia as relacións de desigualdade que USA mantén con eles e tamén a opresión que eles mesmos manteñen coas poboacións autóctonas. A facilidade con que Norteamérica exerce o seu poder sobre América Latina débese, en gran medida, á complicidáde que lle procura a existencia dese colonialismo interno. E mentres isto non cese os pobos de América Latina non se converterán en nacións de pleno dereito e seguirán a ser vulnerables. Supervivinte do xenocidio do que foron víctimas a súa comunidade e a súa familia, quere ser parte activa da historia e amosa posuir un pensamento moi

moderno. En Guatemala declaraba hai pouco Rigoberta, "a pesar da existencia de gobernos saídos das urnas, as cousas non cambiaron substancialmente. Pola contra, as condicións de miseria dos sectores campesiños non fixeron outra cousa que empeorar. Poiden constatar no recorrido polas aldeas do altiplano indíxena, que da pobreza camiñouse cara a miseria. Isto amosa que Guatemala vive baixo un réxime de fondo desprezo cara á vida, da máis absoluta insensibilidade en materia social". No ano 89 os socialistas italianos propoñen para o Premio Nobel da Paz e este ano foi inscrita a súa candidatura por outro Nobel, o arxentino Pérez de Esquivel. Rigoberta aceptou a candidatura "para poder dialogar entre todos, sen distincións do primeiro mundo, pero con respecto ó que somos. Sabemos -dácora coas ensinanzas dos nosos maiores- que cando amenza virá a

luz e verémonos as caras, entón coñeceremos se a man que se nos da ten cara amiga". Ela como catequista, cristiá de base, definse como católica revolucionaria e crea con outros compañeiros o Comité de Unidade Campesiña CUC e adhirense ó Frente Popular 31 de xaneiro, que engloba a seis organizacións de

porque ela tamén considera que dentro da resistencia común, as mulleres debían ser respectadas como tales. Guatemala con máis de trinta anos de conflictos internos, 46 mil desaparecidos, 250 mil viúvas, 1 millón de desprazados, 250 cementerios clandestinos, 250 mil nenos orfatos, ten en Rigoberta a súa voz. Leva

máis de dez anos peleando para que a ONU recoñeza os dereitos dos indíxenas e coa ONU a Comunidade Internacional. Rigoberta quere que escoden a súa voz como pobos, poñer fin a 500 anos de silencio, iniciar un proceso de reconstrucción das condi

ciones para o verdadeiro encontro histórico de todas as culturas americanas, sobre a base da igualdade, respeto mutuo e cooperación para o desenvolvemento indíxena, formando éstes parte activa na toma de decisiones sobre o seu destino e o do país ó cal pertencen. Rigoberta traballa para devolverlle a memoria histórica e maila dignidade o seu pobo. Concederelle o Premio Nobel da Paz foi xustiza para todo un continente e unha gran responsabilidade para Rigoberta porque como ela mesma declarou "respresento a moita xente que sufriu moi, polo tanto estarei disposta a levalo con dignidade". ▶



masas. E en calidade de representante dese frente ven a Europa a co-

mezos do ano 82 invitada por organizacións de solidariedade. En Madrid deu no ano 83 a súa testemuña perante o Tribunal Permanente dos Pobos que xulgaba as masacres cometidas no seu país, e noutras ocasións participou en actos de solidariedade ou en reunións co movemento feminsita,



#### PUBLICIDADE



**Zacarias**

CREACION Y DISEÑO - FOTOMECHANICA

Herreria, 14-2º Tel 84 03 69  
Pontevedra 36 002



**EL MUNDO**  
orense